


ARREST

De la Cour des Grands
Iours de Poictiers.

FAISANT DEFFENCES A CEVX
de la Religion pretendüe Reformee de
S. Maixant & lieux circonuoifins, d'en-
terrer leurs morts és cimetieres des Ca-
tholiques, sur les peines indiètes par
les Eediets & Arrests.



A POICTIERS.

Par ABRAHAM MOVNIN, Imprimeur
Ordinaire de la Cour des Grands Iours.

M. DC. XXXV.

Avec Privilege du Roy.





O V Y S par la grace
de Dieu Roy de France & de Nauarre, A
nostre Seneschal de
Poictou, ses Lieutenants general & particulier, premier des Conseillers du siege Presidial, sur ce premier requis :
Salut : Comme de ce iour des presentes; Veu par nostre Cour des Grands Iours sceant à poictiers, l'Arrest d'icelle du seiziesme Septembre mil six cens trente quatre, donné sur la remonstrance de nostre procureur general, des contrauentions faictes par ceux de la Religion pretenduë reformee aux Eediets de pacification, par lequel entre - autres choses conformément à l'article vingt-huict del'Eediect de Nantes, deffences auroient esté faictes ausdits de la Religion pretendüe Reformee de plus enterrer leurs morts és cimetières des Catholiques, à peine d'estre les

A ij

corps tirez de terre & de mil livres d'amende applicable aux Eglises des lieux, & de faire leurs presches és maisons & habitations des Ecclesiastiques, places publiques, comme Halles, Carrefours, & lieux semblables, autre Arrest du quatriesme Octobre ensuiuant, par lequel Me. Nicolas Millon Conseiller du Roy, Juge Conseruateur des priuileges royaux de l'Vniuersité de poictiers, auroit esté commis pour l'exécution dudit Arrest du seiziesme Septembre, procès verbal dudit Millon du dixneufiesme dudit mois d'Octobre, contenant la descente par luy faite en la ville de saint Maixant, les comparutions de Me. Iean Chabaut prestre curé de saint Saturnin de ladite ville, Me. Iean le Riche Commissaire examinateur au siege Royal dudit lieu, Paul Gerbier Aduocat, & Louys Texier procureur Fabrier, de ladite Eglise, leurs, remonstrances & dire, sur l'incommodité qu'ils receuoient

en la liberté de leur cimetiére , dont il auroit donné acte , ledit procès verbal mis és mains de l'un des Conseillers de nostredicte Cour de l'Ordonnance d'icelle , conclusions de nostre procureur general , ouy le rapport dudit Conseiller , Et tout considéré , Nostredicte Cour a fait & fait & inhibitions & deffences ausdicts habitans de la Religion pretendüe reformée de ladite ville de saint Maixant & lieux circonuoisins, d'enterrer leurs corps morts dans les cimetiéres des Catholiques , sur les peines indictes par les Eedits & Arrests , ordonné que par ledit Millon Commissaire , en presence du Substitut de nostre procureur general & des habitans Catholiques ou iceux deüement appelez, il leur sera permis & baillé vn lieu pour la sepulture de leurs morts le moins incommode que faire se pourra : Si vous Mandons à la requeste de nostredit procureur general, mettre le pre-

sent Arrest a deüe & entiere execution ,
 selon sa forme & teneur, de ce faire vous
 donnons pouuoir , & au premier nostre
 Huissier ou Sergent , de faire tous ex-
 ploicts requis pour l'execution des pre-
 sentes : Donné à poictiers esdits grands
 Iours , le vingt - neufiesme Nouem-
 bre , l'an de grace mil six cens tren-
 te quatre , & de nostre regne le vingt-
 cinqiesme.

Par la chambre.

Signé, RADIGVES.

*Collationné à l'Original par moy Conseiller
 & Secretaire du Roy & de sa Cour de Par-
 lement.*

